



Medijski partner:



PROGRAM FESTIVALA I LOGISTIČKE INFORMACIJE

LOGISTIČKE I TEHNIČKE INFORMACIJE



Poštovani učesnici IPD HealthFest-a,

Zadovoljstvo nam je podijeliti s vama ključne informacije o praktičnim aspektima IPD HealthFest-a 2025, koji će se održati 7. aprila 2025. godine u Sarajevu.

Ovo logističko pismo sadrži sve relevantne detalje kako biste se adekvatno pripremili za učešće na IPD HealthFest 2025. Molimo vas da pažljivo proučite priložene informacije i pridržavate se smjernica, kako bismo zajednički osigurali uspješnu i sigurnu realizaciju događaja.

Šta je IPD HealthFest?

IPD HealthFest predstavlja dinamičnu platformu za razmjenu znanja i iskustava u oblasti javnog zdravlja, s posebnim naglaskom na prevenciju bolesti, promociju zdravih životnih stilova i primjenu savremenih naučnih dostignuća u zaštiti i unapređenju zdravlja. No, zdravlje nije samo odsustvo bolesti – ono podrazumijeva stanje potpunog fizičkog, mentalnog i društvenog blagostanja, što naglašava potrebu za kontinuiranom brigom, saradnjom i zajedničkim djelovanjem svih sektora društva.

„Temelj svake sreće je zdravlje.“ – James Henry Leigh Hunt

Ova misao najbolje oslikava suštinu IPD HealthFest-a 2025 – festivala posvećenog jačanju svijesti o važnosti zdravlja i unapređenju kvaliteta života svih građana. Ulaganjem u zdravlje, zapravo ulažemo u sreću i blagostanje zajednice, a taj cilj ostvarujemo kroz snažnu saradnju sa ključnim partnerima – zdravstvenim i obrazovnim institucijama, organizacijama civilnog društva, medijima i drugim relevantnim akterima koji svojim radom aktivno doprinose unapređenju javnog zdravlja.

IPD HealthFest je više od festivala!

IPD HealthFest 2025 predstavlja jedinstveno i interaktivno iskustvo osmišljeno da potakne stvarne promjene – u strateškom pogledu na zdravlje, individualnim pristupima zdravlju, unapređenju sistema zdravstva i obrazovanja. Putem inovativnih formata radionica i diskusija, osmišljene su prilike za umrežavanje i razvoj partnerstava, a posebnu smo pažnju posvetili učenju o najboljim praksama u promociji zdravlja i prevenciji bolesti. Program IPD HealthFest 2025 je osmišljen da inspirira promjene, ohrabri inicijative, mobilizira društvo u brizi o zdravlju i zaštiti zdravlja.

Program IPD HealthFest-a 2025: Stručne diskusije i edukativne aktivnosti

Promocija i zaštita zdravlja nezamislive su bez angažmana eminentnih stručnjaka iz sektora zdravstva, ali i obrazovanja. Svjesni važnosti multidisciplinarnog pristupa, u program festivala integrirali smo niz aktivnosti koje će okupiti vodeće eksperte iz ovih oblasti, omogućavajući stručne diskusije o najboljim praksama u promociji zdravlja, multisektorskoj saradnji u prevenciji bolesti i održivim modelima zdravstvene edukacije u okviru formalnog obrazovanja i primarne zdravstvene zaštite.

Stručne i edukativne sesije

- **Media panel „Medijsko izvještavanje o zdravlju“**

Media panel „Medijsko izvještavanje o zdravlju“ posvećen je ulozi medija u promociji javnog zdravlja. Novinari, zdravstveni stručnjaci i komunikacijski eksperti razgovarat će o ključnim izazovima i dobrim praksama u izvještavanju o zdravstvu, s posebnim fokusom na tačnost, relevantnost i odgovornost u prenošenju informacija javnosti. Istovremeno, kroz ovu diskusiju želimo dobiti smjernice od novinara o tome kako na najbolji način oblikovati i plasirati informacije prema medijima, kako bi one bile što dostupnije i korisnije široj publici.

Lokacija: **Europe House / Velika sala**

Vrijeme: **10:00 - 10:45**

Moderatorica: **Dajana Pašić**

- **Panel diskusija „Uloga i potencijali formalnog obrazovanja u prevenciji nezaraznih bolesti u Federaciji BiH“**

Tematski dio festivala otvaramo panel diskusijom **„Uloga i potencijali formalnog obrazovanja u prevenciji nezaraznih bolesti u Federaciji BiH“**, koja će okupiti stručnjake iz obrazovnog i zdravstvenog sektora. Panel će pružiti prostor za analizu postojećih pre-

ventivnih programa, razmjenu iskustava i diskusiju o mogućnostima bolje integracije zdravstvenih tema u obrazovni sistem. Kroz dinamičnu raspravu, panelisti će analizirati kako obrazovne institucije mogu doprinijeti podizanju svijesti o zdravim životnim stilovima, koje su najbolje prakse u prevenciji nezaraznih bolesti te kako osigurati da mladi steknu znanja i vještine koje će im pomoći u očuvanju zdravlja. Panel će takođe obuhvatiti primjere uspješnih inicijativa i multisektorskih saradnji koje mogu poslužiti kao model za buduće reformske procese u obrazovanju i zdravstvu.

Lokacija: **Europe House / Velika sala**

Vrijeme: **12:00 - 13:00**

Moderator: **Dr Goran Čerkez i Feđa Mehmedović**

- **Brza, sigurna, dostupna – hitna pomoć po EU standardima**

Zdravstveni radnici i organizacije usmjerene na unapređenje zdravstvene zaštite imat će priliku učestvovati u sesiji koju vodi Centar za edukaciju hitne medicinske pomoći „**Prim. dr. Silva Rizvanbegović**“. Ova sesija će omogućiti učesnicima da se upoznaju s dostupnim modalitetima edukacije za timove hitne medicinske pomoći širom BiH, u skladu s najvišim standardima EU.

Lokacija: **Europe House / Mala sala**

Vrijeme: **12:00 - 13:00**

Moderatorica: **Jasna Musić**

- **Zdravlje djece i mladih: Edukativne i kreativne aktivnosti**

Interaktivni edukativni program 1

Za najmlađe učesnike festivala pripremili smo dinamične i edukativne interaktivne radionice posvećene očuvanju zdravlja. **Radionica o oralnom zdravlju** kroz igru i praktične demonstracije pomaže djeci da nauče pravilne tehnike četkanja zuba, važnost redovnih stomatoloških pregleda i utjecaj ishrane na zdravlje usne šupljine. **Radionica o općem zdravlju** vodi mališane kroz osnovne principe higijene, zdrave ishrane i fizičke aktivnosti, pomažući im da od malih nogu usvoje dobre navike za snažan i vitalan organizam.

Lokacija: **Vrtić Slavuj, Sarajevo**

Vrijeme: **09:00 - 11:00**

Moderator: **Dr Amer Džekman**

Interaktivni edukativni program 2

Osmislili **dugoročni program**, koji ih kroz seriju radionica i kreativnih susreta vodi ka završnom događaju – **umjetničkoj izložbi „Glasovi mladih: Umjetnošću protiv nasilja“**. Tokom ovog procesa, učesnici istražuju teme poput nenasilne komunikacije, emocionalne pismenosti i otpornosti kroz različite umjetničke forme, uključujući slikarstvo, fotografiju i performans. Cilj programa je osnažiti mlade da izraze svoje stavove i iskustva na kreativan način te podstaknuti društveni dijalog o važnim temama.

Lokacija: **Galerija Europe House**

Vrijeme: **09:00 -17:00**

Interaktivni edukativni program 3

Interaktivna sesija **„Mentalno zdravlje kao potpora fizičkom zdravlju: transformacija navika za bolji kvalitet života“** je kreirana za Studente zdravstvenih fakulteta. Sesija u trajanju od 90 minuta, će obuhvatiti ključne aspekte psihološke otpornosti i svjesnosti o cjelovitosti fizičkog i mentalnog zdravlja, pružajući konkretne tehnike za smanjenje stresa, usvajanje zdravih navika i integraciju emocionalne i fizičke ravnoteže. Kroz interaktivne vježbe i diskusije, učesnici će istraživati kako mentalna ravnoteža oblikuje cjelokupnu kvalitetu života i kako primjenom malih, ali snažnih promjena u svakodnevnim navikama mogu dugoročno unaprijediti svoje zdravlje, energiju i opći osjećaj zadovoljstva.

Lokacija: **Europe House / Mala sala**

Vrijeme: **15:00 - 16:30**

Moderatorica: **Enisa Mešić**

Interaktivni edukativni program 4

Sesija **Aktivan život za zdravlje: Uloga Centra za sport i rekreaciju u promociji fizičke aktivnosti** namijenjena predstavnicima lokalnih vlasti u Kantonu Sarajevo i FBiH, kao i ostalim zainteresovanim učesnicima, fokusirat će se na dostupne sportske i rekreativne programe **JU „Centar za sport i rekreaciju“**. Eksperti centra predstaviti će širok spektar programa koji doprinose poboljšanju kvaliteta života, a učesnici će imati priliku postavljati pitanja i učestvovati u diskusiji.

Lokacija: **Europe House / Mala sala**

Vrijeme: **13:00 -14:00**

Facilitatori: **Mirza Pašić, Adis Mušanović, Elma Senderović i Ermin Fazlagić**

Javne politike i zdravlje zajednice

- **Prezentacija zdravstvenih profila: Put do zdrave zajednice**

Ova značajna sesija će okupiti lokalne koordinate općina uključenih u program „Zdrave zajednice u BiH“, s ciljem predstavljanja modela zdravstvenih profila lokalnih zajednica i metodologije prikupljanja podataka. Kroz interaktivne diskusije i primjere iz prakse, posebna pažnja bit će posvećena ključnoj ulozi lokalnih koordinatora u osiguravanju preciznih i relevantnih podataka, koji služe kao temelj za donošenje informisanih odluka i unapređenje zdravlja građana.

Lokacija: **Europe House / Velika sala**

Vrijeme: **13:00 - 14:30**

Moderatorica: **Irina Rizvan**

- **Koalicija za zdravlje „SALUS“ – novo poglavlje u zagovaranju kvalitetnijih zdravstvenih usluga**

Organizacije civilnog društva posvećene unapređenju zdravlja imat će priliku upoznati se s radom novoosnovane Koalicije za zdravlje „SALUS“, čija je misija zagovaranje boljeg kvaliteta zdravstvenih usluga u lokalnim zajednicama, u skladu s EU standardima. Koalicija djeluje kao platforma za razmjenu znanja i jačanje kapaciteta organizacija civilnog društva, olakšavajući saradnju na poboljšanju pristupa zdravstvenim uslugama i implementaciji reformi u zdravstvu.

Lokacija: **Europe House / Mala sala**

Vrijeme: **14:00 -15:00**

Moderatorica: **Emina Osmanagić**

- **Uloga inovativnih farmaceutskih proizvođača u unapređenju zdravstvenog sistema**

Učesnici festivala imat će priliku upoznati se s djelovanjem Udruženja inovativnih proizvođača lijekova u BiH, koje, osim zagovaranja povoljnog ekonomskog, administrativnog i političkog okruženja, aktivno doprinosi uspostavljanju boljih i efikasnijih partnerstava sa državnim institucijama i relevantnim ministarstvima.

Lokacija: **Europe House / Velika sala**

Vrijeme: **14:30 - 16:00**

Moderatori: **TBD**

BANJA LUKA

U okviru obilježavanja Svjetskog dana zdravlja, u Republici Srpskoj će biti realizovan niz aktivnosti usmjerenih na unapređenje mentalnog zdravlja i prevenciju nezaraznih bolesti. Kroz panel diskusije, stručne radionice i institucionalnu saradnju, poseban fokus biće stavljen na ulogu obrazovnog sistema u promociji zdravih životnih navika, kao i na jačanje kapaciteta primarne zdravstvene zaštite za rano prepoznavanje i prevenciju depresivnih poremećaja. Jedan od ključnih događaja biće potpisivanje ugovora o saradnji s direktorima domova zdravlja iz 11 lokalnih zajednica, čime će zvanično započeti implementacija promotivno-preventivnog programa mentalnog zdravlja. Ove aktivnosti imaju za cilj dugoročno osnaživanje zdravstvenih i obrazovnih institucija u pružanju efikasne podrške građanima.

● Panel diskusija „Uloga i potencijali formalnog obrazovanja u prevenciji nezaraznih bolesti u Republici Srpskoj“

Panel diskusija „Uloga i potencijali formalnog obrazovanja u prevenciji nezaraznih bolesti u Republici Srpskoj“ biće održana 8. aprila 2025. godine u Banjoj Luci, u prostorijama zgrade Vlade Republike Srpske. Panel će uključiti stručnjake iz obrazovnog i zdravstvenog sektora u dinamičnu diskusiju o ulozi obrazovnih institucija u promociji zdravlja i prevenciji nezaraznih bolesti.

Razgovor će se fokusirati na postojeće preventivne programe u školama, mogućnosti njihove nadogradnje i uvođenja novih pristupa koji bi mladima omogućili sticanje znanja i vještina ključnih za očuvanje zdravlja i prevenciju nezaraznih bolesti. Panelisti će podijeliti primjere dobre prakse, analizirati izazove u implementaciji zdravstvenih tema u nastavni proces i predložiti modele saradnje između obrazovnog i zdravstvenog sektora.

Diskusija će takođe istražiti kako multisektorski pristup može doprinijeti jačanju preventivnih mjera u zajednicama, uz poseban fokus na buduće reforme koje bi omogućile održivu integraciju zdravstvenih tema u sistem formalnog vaspitanja i obrazovanja.

Lokacija: **Zgrada Vlade Republike Srpske**

Vrijeme: **12:30 – 13:30**

Moderatorica: **Tijana Medvedec Hodžić**

Panelisti:

- Dr Milan Latinović, Ministarstvo zdravlja i socijalne zaštite Republike Srpske
- Nataša Cvijanović, Ministarstvo prosvjete i kulture Republike Srpske
- Slađana Tanasić, Republički pedagoški zavod
- Emina Osmanagić, Institut za populaciju i razvoj

- **Provođenje preventivnih i promotivnih programa u mentalnom zdravlju – Rana detekcija i prevencija depresivnih poremećaja u primarnoj zdravstvenoj zaštiti**

Program „Provođenje preventivnih i promotivnih aktivnosti u mentalnom zdravlju – Rana detekcija i prevencija depresivnih poremećaja u primarnoj zdravstvenoj zaštiti“ ima za cilj jačanje kapaciteta timova porodične medicine (TPM) za selekcionu skrining depresije među ranjivim grupama stanovništva. Pravovremena identifikacija i stručna podrška osobama u riziku ključni su koraci u prevenciji depresivnih poremećaja i unaprjeđenju mentalnog zdravlja u zajednici.

U okviru obilježavanja Svjetskog dana zdravlja, planirano je potpisivanje ugovora o međusobnoj saradnji s direktorima domova zdravlja iz 11 jedinica lokalne samouprave, čime će zvanično započeti realizacija promotivno-preventivnog programa usmjerenog na mentalno zdravlje.

Kroz ovaj program, timovi porodične medicine biće osposobljeni za primjenu standardizovanih alata za rano prepoznavanje depresije, pružanje inicijalne podrške te usmjeravanje pacijenata sa izraženim simptomima ka centrima za zaštitu mentalnog zdravlja radi dalje dijagnostike i tretmana.

Poseban fokus programa biće na odraslom stanovništvu, s naglaskom na žene u perinatalnom periodu i osobe pod povećanim rizikom. Skrining će biti sproveden među pacijentima koji dolaze na preglede porodične medicine, a kod kojih su prepoznati faktori rizika za razvoj depresivnih poremećaja.

Ovim partnerstvom zdravstvene ustanove iz različitih dijelova zemlje zajednički će raditi na jačanju sistema zaštite mentalnog zdravlja i pružanju kvalitetnije podrške građanima.

Lokacija: **Zgrada Vlade Republike Srpske**

Vrijeme: **13:30 – 14:00**

Moderator: **Dr Milan Latinović**

DOBOJ

Festivalski program „Hajde da rastemo zajedno“

Festival zdravlja u Doboju realizuje se u saradnji s gimnastičkim klubom „Sparta“ kroz projekat „Hajde da rastemo zajedno“, uz učešće zaposlenih Doma zdravlja Doboj. Planirano je da se festival održi u Gradskom parku u Doboju, u ulici Svetog Save, a u slučaju loših vremenskih uslova aktivnosti će biti premještene na rukometni stadion u ulici Jug Bogdana.

Fokus festivala je na promociji zdrave ishrane i fizičke aktivnosti za sve generacije, a očekuje se učešće do 300 učesnika/ca. Program obuhvata radionice i piknik na temu zdrave ishrane za djecu i starije osobe, koje će voditi zaposleni Doma zdravlja Doboj. Članovi gimnastičkog kluba „Sparta“, profesori fizičkog vaspitanja i sporta, realizovaće sportske poligone za djecu i vježbe oblikovanja za odrasle. U saradnji s fizioterapeutima Doma zdravlja Doboj, organizovaće se i vježbe mobilnosti i fleksibilnosti za starije osobe.

Lokacija: **Gradski park, Doboj**

Vrijeme: **10:00 – 13:30 (07.04.2025.)**

Moderatori: **Nemanja Cvijanović i Dr Ana Ćeklić Stevanović**

Zašto IPD Healthfest 2025?

Nakon gotovo 25 godina predanog rada u oblasti promocije i zaštite zdravlja, smatramo važnim da se o zdravlju danas govori glasnije i jasnije! Danas je važnije nego ikada ranije govoriti o zdravlju iz nekoliko razloga:

1. Savremeni način života i novi zdravstveni izazovi – Brzi tempo života, stres, fizička neaktivnost, nepravilna ishrana i sve veća izloženost ekranima doprinose porastu hroničnih nezaraznih bolesti poput dijabetesa, hipertenzije i mentalnih oboljenja.
2. Pandemije i globalne zdravstvene krize – COVID-19 nas je podsjetio koliko je zdravlje krhko i koliko su jake međusobne veze između pojedinca, zajednice i sistema zdravstvene zaštite. Naučili smo da je prevencija ključna, a pravovremene i tačne informacije mogu spasiti živote.
3. Mentalno zdravlje kao prioritet – Sve veći broj ljudi, posebno mladih, suočava se s anksioznošću, depresijom i drugim izazovima u oblasti mentalnog zdravlja. Razbijanje stigme i promovisanje mentalnog blagostanja postali su jednako važni kao i briga o fizičkom zdravlju.
4. Zdravlje i okoliš – Klimatske promjene, zagađenje zraka i vode direktno utiču na javno zdravlje. Bolesti uzrokovane lošim okolišnim uslovima sve su češće, što naglašava potrebu za holističkim pristupom zdravlju.
5. Pristup zdravlju kao ljudsko pravo – U vremenu kada ekonomske i društvene nejednakosti rastu, ključno je osigurati da svi imaju jednake mogućnosti za zdrav život – bez obzira na socioekonomski status, geografsku lokaciju ili bilo koji drugi faktor.

Zbog svega ovoga, Institut za populaciju i razvoj zajedno sa partnerima radi na tome da zdravlje bude tema o kojoj se ne samo priča, već koja se aktivno oblikuje kroz strateške i policy dijaloge, kao i kroz prevenciju, edukaciju i zajedničke inicijative.

Jer zdravlje nije samo individualna briga – ono je temelj sretnog i prosperitetnog društva.



FESTIVALSKA LOKACIJE

CENTRALNI DOGAĐAJ: **EUROPE HOUSE**

Europe House se nalazi u samom srcu Sarajeva, na adresi Maršala Tita 62, u neposrednoj blizini glavnih kulturnih i administrativnih institucija. Moderna i pristupačna, ova lokacija pruža idealan prostor za interaktivne sesije, panel diskusije i umrežavanje učesnika festivala.

Dolazak na lokaciju:

- I. Automobilom: Preporučujemo parkiranje na javnom parkingu pored Narodnog pozorišta ili u garaži tržnog centra ARIA, koji se nalazi na nekoliko minuta hoda od Europe House-a.
- II. Javni prevoz:
 - Tramvajem: Najbliža stanica je preko puta Centralne banke BiH.
 - Autobusom: Najbliža stanica je preko puta Doma armije.

Za dodatne informacije o dolasku ili logističkoj podršci, slobodno nas kontaktirajte. Radujemo se vašem dolasku!

PARALELNA SESIJA ZA DJECU:

Lokacija – Vrtić Maslačak

Vrtić Maslačak nalazi se na adresi Hamdije Kreševljakovića 55, Sarajevo 71000, u mirnom dijelu grada, nadomak glavnih saobraćajnica i centralnih institucija. Prostor vrtića prilagođen je djeci, s ugodnim i sigurnim okruženjem za igru i učenje. Dolazak na lokaciju:

- I. Automobilom – Najbliži javni parking nalazi se u okolnim ulicama, a preporučujemo parkiranje u blizini Vijećnice ili uz rijeku Miljacku.
- II. Javni prevoz –
 - Tramvajem: Najbliža stanica je Baščaršija, udaljena nekoliko minuta hoda.
 - Autobusom/minibusom: Najbliža stanica nalazi se kod Vijećnice, odakle je vrtić lako dostupan pješice.

Za sve dodatne informacije, slobodno nas kontaktirajte. Radujemo se vašem dolasku!

BANJA LUKA

CENTRALNI DOGAĐAJ: **Administrativni centar Vlade Republike Srpske**

Festivalske aktivnosti će biti organizirane u Administrativnom centru Republike Srpske, sala u prizemlju (zgrada Vlade Republike Srpske).

Adresa: Vlada Republike Srpske, Trg Republike Srpske br.1; 78000 Banja Luka.

U neposrednoj blizini nalazi se dostupan parking prostor za učesnike festivala.

Vlada Republike Srpske imenovala novi savjet za zdravlje Republike Srpske - komorastomatologa.com
Za ulazak u zgradu Vlade Republike Srpske potreban je identifikacioni dokument.

Dolazak i parking:

- I. Automobilom - U neposrednoj blizini zgrade nalazi se dostupan **parking prostor** za učesnike festivala.
- II. Ulazak u zgradu - Za pristup je **potreban identifikacioni dokument.**

Radujemo se vašem dolasku!

DOBOJ

Festival zdravlja u Doboju organizuje se u saradnji s gimnastičkim klubom „Sparta“ kroz projekat „Hajde da rastemo zajedno“, uz podršku zaposlenih **Doma zdravlja Doboj.**

Lokacija: Gradski park, Doboj (ulica Svetog Save)

Datum: 07.04.2025.

Vrijeme: 10:00 - 13:30

Alternativna lokacija u slučaju lošeg vremena: **Rukometni stadion, ulica Jug Bogdana**

Festival će okupiti stručnjake iz oblasti zdravstva, sporta i obrazovanja kako bi kroz interaktivne aktivnosti promovisali zdrav način života.

Radujemo se vašem dolasku!

STUPITE U KONTAKT

ORGANIZACIONI ODBOR

FESTIVALA



Programska direktorica IPD HealthFest 2025

Emina Osmanagić

eosmanagic@ipdbh.org



Pomoćnik ministra za javno zdravlje

Federalno ministarstvo zdravstva

Dr Goran Čerkez



Pomoćnik ministra

Ministarstvo zdravlja i socijalne zaštite Republike Srpske

Dr Milan Latinović



Savjetnica za odnose sa javnošću, komunikacije i medije

Dajana Pašić

dpasic@ipdbh.org



Program „Zdrave zajednice u Bosni i Hercegovini“ i međunarodni partneri

Dženita Hrelja Hasečić

dzhrelja@ipdbh.org



Koordinacija aktivnosti festivala: program za mlade

Angela Perojević

aperojevic@ipdbh.org



Edukativni program festivala

Amer Džekman

adzekman@ipdbh.org



Panel diskusije i panelisti
Feđa Mehmedović
fmehmedović@ipdbh.org




Stručne diskusije, govornici, partneri i suorganizatori
Tijana Medvedec Hodžić
tmedvedec@ipdbh.org



Zdravstveni profili lokalnih zajednica i saradnja sa lokalnim institucijama
Irina Rizvan
irizvan@ipdbh.org



Edukativni program za studente zdravstvenih fakulteta
Enisa Mešić
emesic@ipdbh.org





Programi Europske unije u Bosni i Hercegovini

Adisa Bajramović

abajramovic@ipdbh.org



Saradnja sa organizacijama civilnog društva

Zvezdana Stjepanović

zstjepanovic@ipdbh.org



Saradnja sa domovima zdravlja i lokalnim institucijama

Tanja Čeko

tceko@ipdbh.org



Program za djecu, mlade i osobe treće životne dobi

Jelena Bajić

jbajic@ipdbh.org



Tehnička i logistička podrška

Armin Begluk

abegluk@ipdbh.org



Tehnička i logistička podrška

Mirza Kulić

mkulic@ipdbh.org



Tehnička i logistička podrška (Banja Luka i Doboј)

Dragan Amidžić

damidzic@ipdbh.org

NAPOMENA

U slučaju urgencije, molimo da nas kontaktirate na jedan od ponuđenih brojeva:



Mirza Kulić

061 996 275



Armin Begluk

061 305 129

Ukoliko su vam potrebne dodatne informacije, molimo da nam se javite na e-mail adresu:
zdrave.zajednice@ipdbh.org